



Broj: 09-37-834/21
Vogošća, 09.06.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 09.06.2021. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA POSTAVLJANJU
PLOČA SA IMENIMA NA SPOMEN OBILJEŽJU CIVILNIH ŽRTAVA RATA

Član 1.

Ponuda ponuđača "RMK engineering" d.o.o. Sarajevo, ulica Omladinska do broja 3. Vogošća, odabrana je za izvođenje radova na postavljanju ploča sa imenima na spomen obilježju Civilnih žrtava rata, kao prvoplasirana na Rang listi, sa ponuđenom ukupnom cijenom nabavke u iznosu od 7.490,00 KM bez uračunatog PDV-a, odnosno 8.763,30 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 19.05.2021. godine donio Odluku o pokretanju Otvorenog postupka nabavke radova na postavljanju ploča sa imenima na spomen obilježju Civilnih žrtava rata, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.05.2021. godine pod brojem: 1353-1-3-73-3-64/21.

Sažetak Obavještenja o nabavci objavljen je u "Službenom glasniku BiH" broj: 30/21 od 21.05.2021. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 03.06.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 03.06.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 09-37-834/21 iz maja 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"RMK engineering" d.o.o Sarajevo	9.995,05	/	/	11.694,21
2	Klesarstvo "Zamak" d.o.o. Vogošća	12.500,00	25%	9.375,00	10.968,75
3	Kamenoklesarska radnja "Grbo 2" Ilijaš	10.979,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača Klesarstvo "Zamak" d.o.o. Vogošća ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač Klesarstvo "Zamak" d.o.o. Vogošća nije dostavio ponudu na naprijed propisani način, tj. dostavljena ponuda je spojena heftaricom u gornjem lijevom uglu, dakle ista nije čvrsto uvezana, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

Ponuđač Klesarstvo "Zamak" d.o.o. Vogošća je također propustio da numeriše stranice svoje ponude kako je propisano odredbama člana 8. stav 6. i 7. Uputstva za pripremu modela tenderske dokumentacije i ponude.

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač Klesarstvo "Zamak" d.o.o. Vogošća je u svojoj Ponudi kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 09.10.2020. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priloženi Aktuelni izvod iz sudskog registra sastoji od 4 (četiri) stranice, dok je Služba za opću upravu Općine Vogošća ovjeravajući predmetnu kopiju dokumenta na pečatu ovjere naznačila da se isti sastoji od 1 (jedne) stranice, što je direktno utjecalo na formalno-pravnu ispravnost dostavljenog dokumenta.

- Tačkom 7.4.1.TD je propisano da Ponuđač mora posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to 1 (jednu) mašinu za rezanje kamena.

Tačkom 7.4.2.TD je traženo da se u svrhu dokazivanja ispunjavanja uslova iz tačke 7.4.1.TD kao dokazi dostave Izjava na obrascu ponuđača da ima u posjedu (na raspolaganju) odgovarajuće mašine (mašinu za rezanje kamena) sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1.TD.

Ponuđač Klesarstvo "Zamak" d.o.o. Vogošća je u svojoj Ponudi dostavio Izjavu da ima u posjedu mašinu za rezanje kamena, međutim isti je propustio da kao dokaz dostavi ovjereni popis sredstava rada i opreme na obrascu ponuđača, ili inventurnu listu ili ugovor o najmu, kako je to zahtjevano tačkom 7.4.2.TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "RMK engineering" d.o.o Sarajevo i
- Kamenoklesarska radnja "Grbo 2" Ilijaš

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obaveštenje o

nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9.5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 07.06.2021. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 07.06.2021. godine, Komisija za javne nabavke je sačinila Rang listu u Otvorenom postupku nabavke radova na postavljanju ploča sa imenima na spomen obilježju Civilnih žrtava rata kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"RMK engineering" d.o.o Sarajevo	7.490,00	8.763,30
2	Kamenoklesarska radnja "Grbo 2" Ilijaš	7.500,00	/

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "RMK engineering" d.o.o. Sarajevo, za izvođenje radova na postavljanju ploča sa imenima na spomen obilježju Civilnih žrtava rata, kao prvoplasiranom na Rang listi, sa ponuđenom ukupnom cijenom nabavke u iznosu od 7.490,00 KM bez uračunatog PDV-a, odnosno 8.763,30 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "RMK engineering" d.o.o. Sarajevo
2. Klesarstvo "Zamak" d.o.o. Vogošća
3. Kamenoklesarska radnja "Grbo 2" Ilijaš
4. Nadležnoj Službi
5. U dosije
6. a/a

info@rmk.ba

klesarstvo_zamak@hotmail.com

033/406-103



OPĆINSKI NAČELNIK

Edin Smajić
Edin Smajić